

रि॒ग्रा॒हं परि॑गृह्णाति । कृ॒तम॑स्पृ॒त स॑दनमस्पृ॒त श्रीर॒-  
सी॒त्या॒ह । य॒था य॒जुरे॒वैतत् ॥ १२ ॥

क्रू॒रमि॑व वा ए॒तत्क॑रोति । यद्दे॒दिं क॑रोति । धा अ॒सि  
स्व॒धा अ॒सीति॑ योयुष्यते शा॒न्यै । उ॒र्वी चा॒सि व॒स्वी चा॒-  
सी॒त्या॒ह । उ॒र्वीमे॒वैनां॑ व॒स्वीं क॑रोति । पु॒रा क्रू॒रस्य॑ वि॒-  
सृ॒पो वि॒रष्णि॑न्नित्या॒ह मे॒ध्यत्वा॑य । उ॒दादा॑य पृथि॒वीं  
जी॒रदा॑नुर्या॒मैर॑यन् च॒न्द्रम॑सि स्व॒धाभि॑रित्या॒ह । यदे॒-  
वा॒स्या अ॒मेध्य॑म् । तद॑प॒हत्य॑ । मे॒ध्यां दे॒वय॑जनीं  
कृ॒त्वा ॥ १३ ॥

यद॒दश्च॒न्द्रम॑सि मे॒ध्यम् । तद॒स्यामे॑रयति । तां धी॒-  
रा॒सो अ॒नुदृ॑श्य यजन्त इ॒त्या॒हानु॑ख्यात्यै । \* प्रोक्ष॑णीरा॒-  
सा॒दय॑ । इ॒ध्मा ब॒र्हिर्ह॑पसादय । सु॒वच्च॑ सु॒चश्च॑ सम्मृ॒द्धि ।  
पत्नी॑ः सन्न॑ह्य । आ॒ज्ये नो॒ देही॑त्या॒हानु॑पूर्व॒तायै॑ ।  
प्रोक्ष॑णीरासादयति । आपो॒ वै रक्षो॑घ्नीः ॥ १४ ॥

रक्ष॑सामप॒हत्यै॑ । स्फ्य॑स्य व॒र्त्मन्त्सा॑दयति । य॒ज्ञस्य॑  
सन्त॑त्यै । उ॒वाच॑ हासि॒तो दै॒बलः॑ । ए॒ताव॑ती॒र्वा अ॒मु-  
ष्मि॑ल्लो॒क आप॑ आसन् । याव॑तीः प्रोक्ष॑णीरिति । त-